

Zeitschrift: Le conteur vaudois : journal de la Suisse romande
Band: 66 (1927)
Heft: 2

Rubrik: Lo vîlhio dèvesâ
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 30.03.2025

ETH-Bibliothek Zürich, E-Periodica, <https://www.e-periodica.ch>

CONTEUR VAUDOIS

JOURNAL DE LA SUISSE ROMANDE
PARAISSANT LE SAMEDI

Rédaction et Administration :
Imprimerie PACHE-VARIDEL & BRON, Lausanne
PRÉ-DU-MARCHÉ, 9

Pour les annonces s'adresser exclusivement à
l'Agence de publicité : Gust. AMACKER
Palud, n° 3 — LAUSANNE.

ABONNEMENT : Suisse, un an Fr. 6.—
six mois, Fr. 3.50 — Etranger, port en sus

ANNONCES

30 cent. la ligne ou son espace.
Réclames, 50 cent.

Les annonces sont reçues jusqu'au jeudi à midi.



Au Conteur Vaudois.

Que l'An nouveau, mon cher Conteur,
T'apporte de nombreux lecteurs !
Poursuis ton but sans t'arrêter !...
Les temps sont durs et l'argent rare,
Mais le Conteur, en bon Vaudois,
Chante sa terre à pleine voix !
Que de la ville, on ne t'éloigne !
Que l'on t'accueille en nos campagnes
Pour ta gaieté de bon aloi
Et tes histoires en patois !
Treize lustres, c'est un bel âge,
Mais non la fin de ton voyage !
Luttant contre l'adversité,
Poursuis-le donc sans hésiter !
Qu'un bon public, pour tes étreintes,
Te fasse vivre et te soutienne !

Louise Chatelan-Roulet.



NOS amis du Jorat nous demandent de publier l'originale relation qui suit de la journée électorale du 5 décembre, concernant le monopole du blé. Nous accédons bien volontiers à leur désir. L'histoire est jolie, bien qu'un peu longue pour nos colonnes, et personne ne se formalisera de leurs « malices ».

On gros dzo dé mécanique.

Séd-vo à quié on páo compará cllia derráire votá ? porrái bin arrevá quié na ; eh bin, l'è a on gros dzo dé mécanique, ió sagessá d'écáore d'onna véprá lou bllia dé tota la Suisse ; voaiti-vá :

On dzo, cllia boune villie mère Confédérachon, téléphoume à son notaire, lou Conset Fédérat :

— Vo faut veni tanquié ver mé : ká l'è oquie d'estra impoiteint a vo communiquá ; régretou dé adi vo déreindzi, mà ne pu pas vo féré cllia coumechon pé téléphoume : vo z'atteindou.

Quand lou notaire l'a été arrevá, la Confédérachon lai dit dinse :

— Attiutavá, monsu, mé seimblie que sará lou moment d'écáore mon bllia dévant que lé ratté lai aussant tráo fé dé mau ; et pu, lai a on autr' afféré ; l'è fam dé féré ma commanda à l'étrandzi ; assebin, ie voudré savá se mé z'infant et petit z'infant sant adi, quemeint stáo 11 ans passá, d'accó dé mé veindré láo bllia. Vo faut dan convoqué mé veingt et dou valet et tot láo mondou po lou cinq décembre áo mécanique, ió l'arant à vo reindré comptou se la messon l'a été boune per tsi leu et vo deré per oi ó na, se pu comptá su láo granna ; vo mé fará rappó ; sari áo téléphoume lou tantou à houet'háore. Ai-vo oquie a demandá ?

— Na, pas autr' meint, se fá lou notaire ; topará, vo sari rémarqué que lou cinq décembre se tráove itre

onna deméindze, n'ará pas tant boune façon dé féré dé la pussa clli dzo quio, qu'ein dité-vo ?

— Cein, lou savé dza ; mà l'è fé espret po que tot lou mondou sáí préseint ; la senanna ein a tráo que sant vía, occupá dein lé z'usine et lé bureau ; na pas dinse, vo z'ará práo dzeint. A vo lé soin dé láo bailli dé l'aovrádzou ; n'è pas cein que váo manqué.

— Bin sá, reinque avoué dáí páysan, l'affère l'audrái práo ; mà ne sé pas quemeint cein váo parti avoué ti clliao cío que n'ant jamé ytu pire óna tsevelhie à nyá áobin on moulin a vanná ; ne pu porrant pas ti lé betá a la courta ? !

— On cora quie, l'è bin simpliou ; dein noutra villie république láí a práo d'homou dé tépa po espli-quá pé dáí « conférence » à ti mé petit fe dáí vele quemeint on dusse sé comportá on dzo dé mécanique, quand l'è sá mère-grand qu'écáo. Ora, tigniou que cein sé fassé lou pllie ridou possiblliou : chutot, ne vu mein dé tsecagné ; lou vo diou po cein que l'è apéchu qu'ein a que m'ant dza délavá pé lou mondou ; ne vu rein dé clli commerce.

Vo rassoveni-vo, áo máí d'ou ein quatóoze, quand l'è bramá áo sécú, que toté le clliotte sounavant et que desant áo páys : « Peuple debout ! la Patrie l'è ein dandzi ! » por mé, n'áobliéré jamé clliao éranou luron qu'arrevávánt dé ti lé carou dé la Suisse, animá d'on mimou sentiment, defeindre lou drapeau et sa balla devisa : « Un pour tous, tous pour un ». L'améré que lou cinq décembre, quaná sarant appellá a écáore mon bllia, quemeint ein quatóoze, ti mé z'infant poessant répondre à l'appé dé la campagne, la tita hiauta désó clli mimou drapeau : présent ! — Ora, alláde ; n'è pas lesí dé mé vo z'ein deré po voue ; ká m'atteindant pé lou Conset Nationa ió n'ein a discutá po on présidant que saráí nommá lou chí ; má vo, Monsu, n'áobllia pas voutron rappóo dáo cinq á houet'háoré. Arévère.

De suite que lou notaire l'a été frou, s'è met ein campagne et vo séde ti lou mau que sé bailli po clli dzo dé mécanique ; l'étéi reindu lou pourr' homou !

Lou cinq á houet'háoré, dévant son bureau tserdzi dé paperrasse, la tita dein sé duve man, lou notaire refléchessá ; se demandáve : « Mé fau-te téléphoumá à cllia boune villie, dinse tot d'on coup : Voutré valet sé sant fotu dé vo ! áobin se mé faut láí appreindre cllia croué novalla tsau pou ? Craíou que vaut mi láí allá pé lou déta ; lou coup saráí moins brusquou.

Failliaí sé decidá ; l'empougne la manevala dáo téléphoume pu ie fá :

— Quemeint cein l'ire einteindu eintré no, ie vigniou vo féré rappóo ; mà, vo faut vo z'atteindre a onna groscha décechon ; i'è voáiti á mein mau et i'è pu mé reindre comptou que pertot láí ant bin fé dé la pussa. Vaíquie :

Dzurique et Berna gardant lou « statu quo » ; i'atteindant dáí z'ódre po mená láo bllia.

Glarisse, Tsougue et Bala sé sant bailli lou mot avoué Uri Cheviteise et Untreváldo po ne pas battre on coup.

— Quemeint dité-vo cein ? Lé z'infant dé mé tráí coumoune d'origine n'ant rein voliu ouré ? L'ant désobé á láo villie mère ? Ah ! se mon homou Guillaume Té n'ire pas móo, quinna bramáíe récháídrant.

— Et Fribo, que mé tsantáve láí a on máí ?

— Eh bin, Fribo n'a rein a écáore ; mà tserdzi de vo deré que tsi li lou terrain ne valiáí rein po lou bllia ; l'a práo pátouráde et armaille, mà po la terra que n'avá rein quie dé la tourba et dé la terra dé pipa.

— Ah ! Fribo, Fribo ! te m'ein a fé que d'onna ráde ! Et St-Galle et Dzenéva ?

— Clliao dé St-Galle ant refusá tot net ; diant que faut laissi écáore lé páysan ; por leu l'ant práo áovrádzou a brodá láo dzerotíre, et quemeint clliaoque dé Dzenéva que tráovant que láí a mé a gagní dé féré dáí pellulé, diant que sarant bin fou dé veni s'eim-

plliá dé pussa pé lou mécanique.

— Eh bin, l'è dáo prouprou ! Et Náotsáí ?

— N'a rein a veindre ; l'a justou dé blliaí por li.

— Et Tessin et Valá ?

— Tessin et Valá vo fant savá que láo blliaí n'a pas tant graná stí an, mà que topará farant on effóo po continua dé lou vo furni. Ti lé dou vo baillant lou bondzo ; lou premi vo z'einvuyie onna pucheinta tiesse dé « zoccoli » po sé fráre dé la Suisse que porrant sé tráová dein la misère et lou dzeint, on botiet dé clliao ballé fliaíou qu'on láo dit « édelweiss », cein, po bailli áo noví Préident dáo Conset Nationa : se l'è on Suisse !

— Vaíquie otíe que mé fá plliési ; e ti mé z'einfant l'avant travaillé dinse, n'aré pas fauta d'allá teri lé sounette pé l'étrandzi.

Et clliaoque dé Vaud, étan-te nombreux po écáore ?

— Oí, et láí ant bin tapá ; láí a mimameint dáí veládzou ió láí sé tráovávánt ti.

— Quaisi-vo !

— Ein a dáí z'autro assebin ió n'a pas tant graná, principálameint dein lo vegnoubllio, et que l'ant zu dáí nialle, dé l'asseinsouná ; dáí pézette !

— Ió avan-te prá láo séméins ?

— Craíou que sé sant laissi éintortolhi pé lou présidant dáo Comptoi.

— Eh bin á clliaouque, dite-leu que se voliant atsetá oquie pé lou Comptoi, láí pouant preindre dáí truffé de cllia sortá qu'on láo dit « Industrie », mà po lou blliaí, monsu Martinet l'a de meilláo séméins.

— Ein a dáí z'autro que quand l'ant oyú zonná cllia mécanique, ein a pardieu bin quoque z'on que l'ant fé canon !

— Fé canon ?

— Oí que n'ein ant rein voliu.

— Et ió san-te parti clliao cío ?

— L'ant étá tot bounameint ein báire tráí áo guelhion et pu... ein tsántá ièna, su l'air de : « Po la fita dáo quatóorze » :

Quand l'è qu'on è dáo vegnioubllio

On dusse teni son reing :

Chutot quand l'annáe è boune

Que lé bossaton sant plliein !

Tsantein ti, clli refrain :

Áo diabllie lou « monopole »

Cein ne no rapporte rein !

Ein vaíquie oncora que sé sant laissi éintortolhi ! Ai-vo fini voutron rappóo ?

— Oí.

— Dinse, mé réste a vo remachá et pu a allá féré ma lista dé graná po stí an que vint. Ma topará, po lou canton dé Vaud : Respect !

— Oí, respect po lou canton dé Vaud ; l'è cein que no dieint assebin per tsi no, et no dieint oncora po ti clliao que l'ant votá oí, que l'aussant láo z'otto pé la vela, lou vegnioubllio, áobin la montagne: Respect ! On cheint que dein noutron bí páys, lou mot dé solidaritá n'è pas dé la diusérsi !

A clliao que l'ant refusá lou « monopole » quand bin on dáivetráí démachein leu, medzi lou pan on bocou pllie ná et pllie tché, tanpi ; on ne láo váo rein dé mau ; et se dáí iádzou l'avant fauta d'on coup dé man, porrant ant comptá su la campagne : se la metse n'è pas tant groscha, no partadzéreint lou crotson.

Má no, páysan, se n'ein étá pegni lou cinq décembre, cein que no fá plliési, l'è que noutré éranou députá áo Conset Nationa voliant pouá réveni dé Berna sein itre Grimmá !

Ora, Monsu lou Président Maillefer, ai z'edelweiss dáo Valá, no dieigneint ti noutré bon vœux et vo feint saváí, que se jamé ein a que s'avésávánt dé contchi noutra Cráí Fédérale, láí a dein lé bou dáo Dzorát, dáí lulu que l'ant oncora dáí bon dzerret !

On páír dé Dzorát.